

قلت يا ابا

شعر

زينب عبدالوهاب



بطاقة الكتاب

قلت يايا زينب عبدالوهاب شعر

رقم الإبداع : ١٥٦٤٨ / ٢٠٢٠

التقديم الدولي

٧ - ٧٦٧٣ - ٩٠ - ٩٧٧ - ٩٧٨

لطبعة الأولى

عدد الصفحات : ٩٥

تاريخ الإصدار : سبتمبر ٢٠٢٠

الإخراج الفني والمراجعة اللغوية
دار وادي عبقر للطباعة والنشر

رئيس مجلس الإدارة

جابر الزهيرى

جميع حقوق الطبع والنشر
محفوظة للمؤلف، ولا يحق لأي دار
نشر طبع ونشر وتوزيع الكتاب إلا
بموافقة كتابية من الكاتب وناشر



دار وادي عبقر

لطباعة والنشر والتوزيع
بيت الإبداع .. وموطن العباقرة



wadiabkr.wixsite.com/wadiabkr



wadiabkar@gmail.com



www.facebook/wadiabkar



www.youtube.com/wadiabkr /



+٩٥٥٥٥١٧٤٢٦

ت : +٩٥٥٥١٧٢٨٦٢٥

ت : +٩٥٥١٤٨١٨٥٦

ت : +٩٥٥١٦٤٤٤٢٨





إهداء

إلي أبي وأمي

إلي من لهم أشواق في همسي

قصائد من الياسمين

تارة أكتبها بثمانية وعشرين حرفا

وتارة

أعزفها ألحانا على الوتين

لأرواحهم من قلبي سلام

ومن الله مغفرة ورحمة

اللهم آمين

زينب عبد الوهاب



باسم الخالق

باسم اللي خالق خلقه من... آدم
حبك ساكني بيجري مجرى... الدم
هو حياة الروح وكنت قبله... عدم
ياللي انت مالك حياتي وف حشايا... ورد
زرعت حبك طرح بستان آمالي... ورد
حبك دا ليه العجب علي البشر ما... ورد
ولو اخسر العمر في هواه والله ما أن دم



بروح الجنة

ما بين الركعة والسجدة
وسمع الله لمن حمده
بتخشع روعي وبتهدي
وقلبي ينوره القرآن

ما بين نجوايا ودموعي
ونار الذنب في ضلوعي
وأعز النفس بخضوعي
لرب كريم غفور منان

بروح الجنة في سجودي
وتصلب ركعتي عودي
واردد اسم معبودي
فيملا القلب نور وإيمان

ما بين الذكر والسنة
واخذني هوايا للجنة
بكل إيماني بتمني
بروحي رحمة الرحمن



بعادكم

ولا في بعادكم حنان حسينا بيه ولا... دار
يتامى من بعدكم ولاحد زار ولا... دار
علينا جار الزمن والهـم بينا... دار
وشيننا غصب الأسى وتقلت الشيـلة



من أول المشوار

من أول المشوار صاحبتنا أحزاننا
ومن فراق لفراق الدنيا ترمينا
العمر راح ع الفرحة بنودور
ودروس دموعنا معلمة فينا

وفين أمانى السنين والحلم وأماننا
صب الدموع الزمن وحلف ليسقينا
والقهر يبلى الناس ف العمر لو مرة
وليه يا ناس قهرنا تملئ بالينا



قلت يا ابا

ليه يا بوياء كل حاجة حلمنا بيها اتأخرت
كنا لمة وفينا همة بس قسمة اتقدّرت

الأمان كان محتتمل
والأمل فينا اكتمل
شوفنا بكره بألف فكرة
كل شيء فينا اتبدل!!

ليه سنينا اتغيرت
فين ما مرّت مررت
والغصون اتكسرت
قولي ايه يا ابا العمل??

قلت يا ابا:

اوعي تعلني شكوتك

قلت يا ابا:

اوعي تنزل دمعتك

لو جراحك بس باقية
لو تعيشي تور ف ساقية
لو مكانك مش مكانك
او عي يكسرك المثل

قلت يا با...

وشفت كل اللي انت قلت
واللي خُفت عليا منه
في الزمان ده كتير قابلته

عشت يا با...

وشفت يا با...

وتهت يا با...

همي شلته..

ودمعي زلته..

وجرح من الأيام قابلته
ولسه يا با جدوري شايئة
ومن زمان بنت جمل

أه يا بويأ...

م اللي ماسك جمر حقه
فوق سنين الشوك وصابر
بس سدره الصبر شقه
لولا صوتك حامي روعي
ذكري بتبرد جروحي
يكفي اسمك وسط بوعي
يحيي ف القلب الأمل

الكون سكون

قلبي حبك وبارادته
سلمك أحلام بانيتها
ياللي لما عنيك بتضحك
تضحك الدنيا وما فيها
لو تغيب عن عيني ثانية
قلبي يجري أوام عليها

لو تغيب الكون سكون
والحياة مش حاسة بيها
أحلي كلمة بهمس قلبك
روحي رايحة بتناديها
لما قلبي يقول بحبك
كلّي اكون مشتاقة ليها

ضُمني بلهفة عيونك
رُد للأشواق ماضيها
آه بحبك نار وجنة
دنيا تانية هواك ماليها
كل حاجة حلوة بينا
عايشة بيها معاك عليها

دنيا

ماشية السفينة الكبيرة
واحنا... راكبها
دايرة الطاحونة بتطحن
عمرنا ما بينها
دنيا وهفضل كده
طول عمرها يا صاحبي
لا هيا عجبانا
ولا احنا برضه عاجبينها

سما متلونة

النهارده يا فرح عمري
ليلة غالية متنسيش
الليلة دي سنة في هواك
بدأت بحب ماينتهيـش

*

أنا شفت فيك الكون هنا
حضنه بسعادة يضمنا
وخدانا دمعة فرحنا
لجنة حنان علشان نعيش

الشوق بيجري في دمننا
والحب حضناه شمسنا
وبنوره طاير في السما
واللهفة بترفرق بريش

جي السحاب يندهلنا
لما النجوم غنت لنا
لينا السما متلوثة
مين زينا ف الكون مافيش

وف كل عام طول ما انت جنبي
انا هفضل ادعي وأقول ياربي
ربنا يخليك لقلبى
يالى أنا غيـرك ماليش

أحلى حياة

عشت أحلى حياة ف لقانا
ذكريات عمري
الجميلة
هحكي عن قصة هوانا
ألفين سنة
مش ألف ليلة
مش هلاقي كلام في وصفك
انت حـالة
مستحيلة
كل حاجة فيك حبيبي
تتكتب مليون
قصيدة
عاشقة فيك أنا كل حاجة
عايشة دنيا معاك
جديدة

لَمَّا إِحْسَاسُكَ يَا خُدْنِي
بِشَوْقٍ لِأَحْلَامِي
الْبَعِيدَةِ
أَنْتَ عِنْدِي جَنَّةٌ أَحْلَى
مِنَ الْخَيَالِ
وَمِنَ الْحَقِيقَةِ
يَا لَلِّي أَعْطَى مَا فِي حَيَاتِي
أَنْتَ وَعَنْعَنْكَ
الْبَرِيئَةِ
الثَّوَانِي سَنِينَ فِ بُعْدِكَ
وَالسَّنَةِ فِ قَرْبِكَ
دَقِيقَةٍ
أَلْفَ لَيْلَةٍ وَأَلْفَ لَيْلَةٍ وَأَلْفَ لَيْلَةٍ
أَحْكِي عَنِ الْقِصَّةِ
هُوَ أَنَا سَنِينَ
طَوِيلَةٍ

سر ليك

عايزة أقولك إني دايبه

إني عاشقة

إني حابه الدنيا بيك

*

أيوه جيتك أعترف لك

إني روجي طول بعاذك

كل يوم بتروح عليك

*

كل ما اوصفك غرامي

ولا في عيونك هيامي

ألقي تنهيدة تناديك

*

شوف عيوني لما تحكي

للنجوم في الضهر تشكي

جرح شوق وحنين اليك

طائرة جوا عنك وبسرح
فرحة بيها الدنيا تفرح
مالية كوني بين أيديك

*

سرّها ضحكة لعيوني
فجّرت بركان جنوني
فسّرت أحلامي ليك

ده الغرام والعشق جنة
قصة مرسومة ما بيننا
البطل فيها عينيّك

مناظر

لا هانبيكي ونتألم
ولا نعاتب ونتظلم
داوينا يا دنيا ياما جراح
وعمر قلوبنا ما تسلم

**

أعز نفوس بتتاخذ
وواحدة واحدة تتباعد
تدوس ع العشرة والخاطر
بدال ما تسدد وتتسائد

**

بنبني من العثم أحلام
تهده الدنيا والأيام
وأقوى حقيقة قدمنا
تبان إن الأمان أوهام

**

تعيش الغربية بين أهلك
تتوه ولا حد يندهاك
بحسن الظن بتخاطر
ولو كملت راح تهـنـك

**

مافيش غيرك يشيل همك
ولا اللي دمه من دمك
مناظر وانت لو شـاطـر
تشوف ولو النظر خمك

**

قلبي بيت

مايليق لك بقلبي بيت لابنتك... قصر
ومهما يطول عمري بهواك أحسه... قصر
وعيونى ماتشوف غيرك وحتى النظر... قصر
هواك فرض وسط القلب... وسنه
قلبي انكوى بنار غرامك... وسنه
وعصى المنام جفنى وضاق... وسنه
وفي غربة وسط الأهل حتى صلاتي... قصر

علم زايفة

لسه خايفة ياللي قلبي بين ضلوعك
لسه خايفة ياللي دمك هو دمّي
عايزة ابكيك وخايفة من دموعك
عايزة احكيك ياغيب واشكي همّي

ليه الحياة مش مقسومة لنا
ليه الجراح دبحت آمالنا
حللنا علينا ف قصور
والزمن بعداينا جالنا

الشباب راح الشباب
الأمّل وهم سرّاب
والدموع شاقّة الخدود
والحنين أصعب حساب

قلبي كان حاسس وشايف
كنت عارفة وكنت عارف
الألم هو اللي باقي
الفرح كان حلم زاييف

آه من الأحزان وآه
لما تنسانا الحياة
نفترق ويموت هوانا
قلب ضايع.. قلب تاه

أنا المصرية

أنا المصرية أم الشهداء والأبطال
أم الرجال أنا أجيال ورا أجيال

*

أنا اللي شلتهم في الشمال
وهزتهم على الغربال
ورشيت ملح ف وشوش اللي
يحسداهم

وربتهم على العزة
وشربوا مني خير وجمال

أنا المصرية دايمًا حزن أحبابي
وشوكة ف حلق أعاديا وسد
ف سكة العزال



أنا المصرية فقيرية
باحب الضحك والأمثال
ووقت الجد حماقية
حجر في الحق أو تمثال
في لوية بوزي نكدية
أهد بيوت
وأشق جبال

أنا المصرية متريية
ع الطبلية وسط الدار
شديدة قوية صافية النية
صاينة العشرة راضية الجار
اننا المصرية فلاحه
سماحة وصبر ونصاحة
بخيري الدنيا طراحة
وشري ع البعيد
أهوال

أنا بنت الهرم والنيل
وكل أصيل
أنا الكلمة أنا الغنوة
وأنا المواويل
ولما تضلم الدنيا
عيوني تبان لها قناديل
وياما ف نور عيوني اتقال

انا يا مصر مصرية
ووسط النار معدية
ولو دار الزمان بيّا
فبنت أصول ورايا رجال

نخب احكيها

عيش وامشي وشوف واسرح فيها

تعشق شوارعها وحوريتها

بجمالها ونيلها ومواويلها

يحرصها المولى ويحميها

*

الله علي ضلها ونخيلها

بتخلي الكون كله يجيها

الدنيا بتصحي علي عيونها

والشمس تضقر جداولها

تشهد علي عزها وأصولها

الأرض بعرضها وبطولها

نور رب سماها اللي حماها

علاها ما فيش يد تطولها

أنا مين أوصف في الموصوفة
وأعرف مين بالمعروفة
أنا بفرح بيها وبتبهاهي
وبحب احكيها واغنيها
عيش وامشي وشوف
واسرح فيها

صرخة أم شهيد

انسَل لحمه بسناني
واقطع وشّه بايديا
عشان هو اللي خلاني
أشوف دم ابني بعنيا
ويجري الخلق ويلموه
عيون وإيدن وقلب ياهو
ضنايا يا ناس... ضنايا ياهو
ومايردش أحزاني

إلا اني

انسَل لحمه بسناني
واقطع وشّه بايديا
عشان هو اللي خلاني
أشوف دم ابني بعنيا

كفاية دمع

ما فيش في الدمع فايدة
والنار ف القلب قايدة
م ايين آئين وسكات
العشق الغالي عدى

**

من فكرة بروح لفكرة
ازاي نوصل لبكرة
وحنين في القلب مات
وبقت أحلامنا ذكرى

**

أحلام من ماضي غايب
أشواق ملهاش حبايب
والحزن في روحنا بات
شوات واخذ وجايب

**

ويا دمع ملوش نهاية
قول أخرج إيه معايا
ما كفاية عمر فات
بجراح عايشة الحكاية

**

قلبي سفينة

قلبي سفينة حنان بس الهوى .. ماله
صبح غريق الحنين ولا حد قال .. ماله
تقل عليه البعاد وزاد في أحماله
وامتى توب الفرح يليق بقي عليا

يا طير

يا طير يا رايح لهم قلبي معاك مرسال
خدني هناك عندهم طير بيا وديني
دمعي لفراق حزنهم ع الخدود مرسال
مديون بروحي وأروح أرد أنا ديني
سنين تعدّي ولا ف يوم قلبهم مرسال
اشتقت واحلف بربي والنبي وديني

ألف سلامة

ياللي عيونك حزن عيوني

زي الندى

للورد

بين أنفاسي جوه ضلوعي

حبك عدّي

الحد

بعيد الشر عليك يا حبيبي

ألف سلامة

بجد

قلبي معاك يسهر علي راحتك

ويدفيك م

البرد

صعب أيديا تفارق إيدك

مهما الريح

تشتد

مهما يعدي علينا نعدي
ولا نتعب م
العد
ندهاك والروح جياك
ما استنتش
الرد
من غيرك تايهة ف أيامي
والأحلام
تتهد
قلبك بحر وقلبي أنا شط
ودا مش جزر
ومد



قلنت يابا

أحمد ورحاب

وفوق الشمس جنة ونهر
وتحت جناحي مرساهم

وزي سحابة زينة البدر
وظائرة بروحي حضناهم

أحلام حياتي قلبي وعيوني
عمري وسنيني.. دنيايا كوني
فرحة زماني لو يحضنوني
إن غابوا روعي تروح معاهم

الدنيا فيهم الدنيا ليهم
انا كل حاجة عيشاها بيهم
وما بين أيديا وما بين أيديهم
مش عايزة حاجة في الكون سواهم

شمسي وشروقي قمري وغروبي
حلمي وحنيني سلمي وحروبي
عشان حبايي أحمد وروبي
انا ابيع حياتي والروح فداهم

ويا رب دائماً خليك معاهم
طمّن قلوبهم نور سماهم
شاهدة ف ودانهم واسمك رعاهم
راضية عليهم وادعي برضاهم

بيني وبينك

وبيني وبينك الأيام
وعشق باعيشه في الجنة
ومهما زادت الأحزان
بحبنا بكرة نتهنى
معك انا عمري ما ابقى جريح
في بحر الشوق
في وش الريح
كفايه معايا منك طيف
يصبر قلبي واستنى

وبيننا وبين عيوننا النور
يضوي ليالي غربتنا
ولو بنوا بيننا مليون سور
يقرب بيننا صدى صوتنا
ومهما يعدي مهما يكون

قلوبنا تشوف جمال الكون
ومهما الآه تنسينا
مانساش حزن ضحكنا

وبيني وبينك الأحلام
ما بين الوحشة والوحدة
وصعب اوصف حنان وأمان
بيسند قلبي في الشدة
أهاتي ودمعي هيهونوا
بأيديك مهما هايكونوا
بأيديك يلا خد أيدي
كيان واحد وروح واحدة

بوحى لعيونك

بوحى لعيونك دموع في القلب من ... بعدهم
ولا يرضى قلبي الحياة ولا أطيقها من ... بعدهم
أهات ماتحملها روح والهـم ... بعد هم
خطفت قلبي معاك عمري بقي لك .. ملك
وملكت قلبك وبقيت فوق الخلاق .. ملك
وان لحظة جيت سبتني مايكفي جاه ولا .. ملك
أشكى لنجوم الليل الظهر و... بعدهم

حبك ليا

ياللي حبك ليا أحلى ما انكتب بين ليل وعصر
وف عيونك فجر شوقي ليه بيعصر جفني عصر
عشت عشق معاك بعمرني وألف عمر وألف عصر
ياعجيب القلب صافي زي ماس واصفي
ياللي حبك نهر وافي يعجزوا ف وصفه
وبحنانك قلبي عافي وانت ليه وصفه
زي طير شقه العطش رواه سحاب الحب عصر



ضحايا الحب

وليه بنحب م الأول
مدام الحب ناسينا

“

تسافر بينا أيامنا
في وهم أمل مغطينا

“

ما بين القسوة والتوهة
تعيش الدمعة في عيننا

“

بنسبق دقة الأوهام
بحسرة حزن غاويننا
ويجي الحب يلاقينا
مالوش سكة أمل بينا

“

كفايه علينا ويل وملام
ياريت الآه تداوينا
أنا وانت ضحايا الحب
باعنا لما حيينا

““

ياريت الحب ينسانا
ويعرف إنه مش لنا

دم الولاد

مهما اصرخ ولا ابكي
ايه يجيب دم الولاد
اللي راحوا ف فتنة دارت
ف البلد بسنين سواد
ليك يا رب الشكوى باكية
من مرار ظلم العباد
الشيطان طير نار وطايح
يفرش الموت ف البلاد
مصر كانت درة حرة
فيها فاض الخير وزاد
الكلاب خلوها غابة
والفساد عتش وساد

سینا

لمانطق اسم سینا
یملی بالعزة اللسان
نصر مصر وفخر اینا
سینا قدام الزمان
والتاریخ یشهد علینا
عمره ما ینسی الی کان
لو نسینا

الی کان بالدم کان
والهزيمة امتهان
واتسرق منا الأمان
وانطفت فرحة عنینا

*

دمناع سینا راح
ضاق علی قلوبنا البراح

علمت فينا الجراح

جرح شق الأرض بينا

عهدنا لله وليها

نفتديها نموت عليها

شئنا واطيها وعاليها

وانتصرنا خدنا سينا

جيشنا قال الله أكبر

عدى وسط النار وحرر

بالإيمان ربك مقدر

روحنا ترجع تاني فينا

*

لما ننطق اسم سينا

يضرب العالم سلام

نصر مصر وفخر لينا

اسم يكفينا الكلام

اكتب ايه؟

اكتب انك خنت قلبي
جوا قلبي يقولي لاءه
اكتب انك بعث حبي
دمي يصرخ بردوا لاءه
اكتب انك ضعت مني
روحي تصرخ ايوا ضاع

اللي حبيته وهويته
واشتريت بيه السنين
والأمل اللي بنيته
راح وساب ليا الآنين
والأمال راحت وسابت
ليا أحزاني وحنين

يألني كنت في ليل زماني
شمس نورها الزمان
كنت أفراح الأماني
كنت أحلام الحنان
كنت تيجي ف حلمي نجمة
نفسى اطولها من السحاب
فوقت من حلمي لاقيتك
جمرة قيادة من العذاب

اوعى تفكر ابي ممكن
أقدر انسى هواك في يوم
مستحيل انسى جراحي
مستحيل انسى الهموم

ياما نصحتني الليالي
اني أبعد عن عنيدك
كنت بهجر كل غالي
وافتكروا لمسة ايديك

كنت بحلم بيها فجر
يوصل الليل بالنهار
كنت بحلم اني اضمك
واظفي بيك في صدري نار

ياللي قلبي معاك رمانى
وسط أمواج الحياة
كنت بتحدى زماني
ألف جرح وألف أه
انسى إنك ليل جرحني
انسى إنك قلب باع
انسى إنك سيف دبحني
انسى إنك حباب ضاع
هنسى سهدك... هنسى عهدك
وأفكر إنك بدائتي
بس مش هتكون حكايتي

عمري ما أنسى إنك أنت
كنت ليا جراح ودمعي
قلبي يبكي وروحي تبكي
وبصوابي العشرة شمعي
طول حياتك كنت تهوى
زرع أشواكي في طريقي
بس قلبي كان يشوفها
يفتكروا وردك حقيقي

ياحياتي احب اقـواك
كلمة من قلبي نصيحة
كلمة من روحي وكياني
من دموع في عيون جريحة
يا حياتي انسي اللي فاتك
كلمة ردها في سكاتك
(ضعت زي ما قلبي باع)

كتاب حياتي

كتاب حياتي سطوره
من أحزان
ياريت ما كنت فتحتَه
وقريرته
بدايته هجر الأهل
والخلان
وتاني صفحة جرح
خبيرته
الثالثة هم وطرح
ذل وألم وهوان
الرابعة قلبي انجرح
مكسور ما دويته
الخامسة فيها الندم
والقسوة والحرمان
ودموعي سيل غرقه

في السادسة فطويته
يا دنيا فيكي الطيابة
تترمي وتتهان
طول عمري بازرع في طيب
عمري ما جنيته
آه من زمان العبر طول عمره
كان سجان
غدار وقابله حجر
ولربنا شكيتة

رسالة أخيرة

هي دي رسالتي الأخيرة
اسمعيها وحسي بيها
مش بعينك..
لا بقلبك
اقري كل حرف فيها
كل كلمة تقولها روي
جوي روحك هتلاقيها

آه عشقتك حب أبعد م الخيال
حب خدني لجنة الشوق والجمال
بس خلي راحة البال شيء محال
والحياة صبحت متاهة
وتتهت فيها

لو تغيب عينك ثواني
تنطفئ شمس الوجود
لما اخاصمك بلقي روعي
ف بحر ويل منهوش حدود
قلبي مني يتود ويرجع
لما نبضك ليه يعود
آه بحبك

كلمة ويا ريت تفهميها

وأخيراً

انتهى مني الكلام قبل الختام
واللي مكتوب مش معاني والسلام
دا لحنين بين الحروف بركان وقام
حبي ليكي أحلي قصة
هتعيشيها

جنتك يا رب البيت

جيتك يا رب البيت
سلمت واتوضّيت
وبالدموع صليت
ولقلبي طالبة الراحة

"

انا بكياني بكيت
ناديت يا رب دعيت
بالرحمة والتثبيت
في دنيا جاية وراحة

"

الدمع كان سابقني
والذنب نار تحرقني
وأدان هنا غرقني
ريح جنة فواحة

"

وسجدت لما خليت
من كل ذنب جنيت
وبرحمتك حسيت
رضا نفس مرتاحة
برضائك يا رب البيت

لازم نصبر

لازم نصبر مهما قاسينا
نتحدى الأيام والكون
مهما البعد يبكي عينا
لازم نصبر...
مهما يكون
وايدينا دي ماتسبش ايدينا

لازم ف طريقنا هنتقابل
مع أحزان تكسر غناوينا
لازم هنشوف ناس تتمني
اننا نبعـد...
عن بعضينا
الصبر لو حده يعدينا

اتحدى الأحران بهواك
مهما الأيام تيجي علينا
ديما خلي الصبر دواك
مهما الدنيا...
هتجرح فينا
الفرح ينور خطاونا

لسه فيه ف الدنيا خير

زي نسمة فجر
شقت قلب طير
طار يرفرف
يشرب النور والعبير
زي فرحة قلبنا
طول ما فيه انت وانا
لسه فيه ف الدنيا خير

انت غير
حب زي الشمس فارد
فوق جبين المية شوق
من وفا حاضن دفا
طاير مع الأحلام نفوق
بجناحاته الليل لنا
غنى غنوة باسمنا

خلى كل الناس تغير

انت غير

زي حزن الورد

عطشان للندى

زي ضلة شوق

بتسرح ع المدى

شايلة أحلام حبا

تروي أيام عمرنا

تطرح الحب الكبير

لما ينسانا الأمان

لما ينسانا الأمان
أو يودعنا الحنان
نجري ع البيبان نخبط
تتقفـل كل البيبان

لما الزمان يقسي علينا
ويسرق النور من عنينا
نمشي ف الضلمة ندور
عن أيادي تعدي بينا

ليه يا دنيا ليه يا ناس
الوفي نسيته وه خلاص
الهوان ع الناس يدوس
والهوي أصبح مداس

لما السنين تعشق دمانا
تفرح لأحزاننا وبكانا
ترسم أمال واما تجفينا
نرجع ندور مين رمانا

ليك حبيبي

ليك حبيبي جوا روحي ألف مرسى وألف بر
قلبي باع الكون بحاله ولحنينك حن بر
لما باحضن شوق عيونك
لهفتك بتدرد روحي
والقى نفسي لسه طفلة
كأن عمري ما فات ومر



ليه باعوني

اللي كنت ما بين أيديهم..

ليه باعوني

عشت شمعة قايدة ليهم..

ليه طفوني

اللي قلبي كان معاهم راحوا فين

نسيوا أحلامي ف هواهم والحنين

باعوا حبي.. باعوا قلبي للسنين

بفتكر شوق الأمانى والأمال

بفتكر ليل الأحبة والخيال

بفتكر أيام هنايا

والسعادة ف البداية

قلبي دور ع الأمانى والتقاها

قالى إنك من آمالى منتهاها

عشت أيامى ف حبك

بحلم أنك تبقى ليا

احلم أنك تبقي روحي
تبقي فرحي ونور عنيا
فقت من حلمي لقيتك مش نصيبي
قلت للشمس اللي طلعت ليا غيبي
ضعت مني روحت مني
فقت من وهمي وظني
كنت بحلم بالنجاة
وسط موج من غير شراع
كنت بتمنى المحال
والخيال آخره الضياع
ياللي كنت ما بين إيديكم..
صدقوني
كل ما أنسى جراح سنينكم..
تفكرونني

نظرة عنيك

نظرة عنيك سرحتك خلتي حالي حال
كأن حبك هداية.. نور عليا حل
ولو بتسأل عليا حالي هو الحال
بإيه يفيد السؤال.. لقاءك أمنية

هوي وهوان

بفتكر أيام زمان
بفتكر كل اللي كان
كنا طيرين بجناحتنا
زي أسراب الحمام

كنا دايبين في الهنا
والحنان بيضمننا
وافتكرونا الفرحة باقي
بس غطانا الغيام
بفتكر أيام زمان

لما ضم الشوق لقانا
الأمان نور سمانا
السنين صاحبة فرحنا
بس ليه الفرحة خان

بفتكر أيام زمان

*

بفتكر ليل العتاب

كان بيوجعنا الغياب

ثُهنّا بوداع الأحبة

لما راح منا الأمان

بفتكر أيام زمان

بفتكر لهفة حبيب

لما بيلاقي الحبيب

الهوى كان بينادينّا

بس أه منه الهوان

بفتكر أيام زمان

وحشاني ياما

وحشاني ياما وحشني صوتك

الذي بعدك

عذاب وخوف

من يوم ما غبتي تايهة بدموعي

وبعيش لوحدي

أسوء ظروف

*

يا أغلى كلمة نطقها قلبي

يخرج صداها دق

الدفوف

*

لو يخذوا عيني يشوفوا بيها

الشوق في قلبي

واقف صفوف

يا أحدى جنة شأفتها عيني
من يوم ما عيني
بدأت تشوف
*

ياما دي كلمة بدوب في
شوقها ساعة ما اقولها
تبكي الحروف
*

سمعاني ياما سامعه آيني
دا صوت حيني
صوت سيوف
*

دا انت عيوني وفجر عمري
أبدأ في حضنك
ما طلني خوف
*

دا أنا في صلاتي وليوم مماتي

دعايا رحمة

رافعة الكفوف

ف عنيك كلام

ف عنيك براءة بتبتسم
وبترمي على روعي السلام
وساعات جراءة بتترسم
وتقول بشوق حلو الكلام
واحترار واتود مع نظرة بتطيرني فوق
القلب يسرح فيك ومش عايز يفوق
هايم علي جناح الغرام
نور علي عنيك القمر وكأنه قبل عنيك مابان
لو رمش في ليله ظهر يغرق في دوامة حنان
ينزل تطلع بدر التمام
بحلم أعيش بين الرموش لو بالخيال
فيها اللي عشت ماشفتهوش صدق اللي قال
إن الجمال اتغطي بجفونك ونام

ورجعنا تاني

ورجعنا تاني نعاني من نفس الأسيه
مابقتش فارقة ف أي حاجة هيه هيه
ومن وسيه يا دنيا رميانا لوسيه
ومين له حاجة ف نفسه مين يختار

نفس الحكاية ف كل حنة ورائه
نهرب نروح للنور بنلقي عتامة
وماسكة حبل الروح جروح جـرانه
وليل ألمنا مش باين له نهار

ماكنش يومك يا فرحتي البكرية
تموتي ليه وتفرقري ف ايديه
أه يا احنا ياما قلوبنا مله اش ديه
حكم علينا زما نشرب نار



الفقر زي الظلم جبار كافر
وف غربة الأحلام نفوسنا تسافر
نقع نقوم وف كل ضربة نعافر
وكل بير أسرار مالهش قرار

ولا يلزم

بس النهارده يا دوب عرفته
وعرفت إني ولا عمري شفته
يا ريت يا قلبي متجيش سيرته
جرح النهارده ما يتنسيش

*

آه هو ده اللي سكن كياني
آه هو ده اللي شرب حناني
والنهارده دا حد تاني
إنسان غريب ما يهمنيش

*

عمري وسنيني حياتي نبضي
شمسي ونجومي سمايا أرضي
فرحي وحنيني ندايا ردي
كان حلم نفسي ما ينتهيش

*

كان كل حاجة خد كل حاجة
اديته عمري كله بسذاجة
نزفت عيوني معملش حاجة
باع بيع يا قلبى وما تشتريش

*

كل اللي كان لازم ما يلزم
هندم دا عادي ما كتير بنندم
كل الجراح تهدي أما تقدم
هاتعيش عشان لازم نعيش

ما بقتش تفرق معايا

معايا مش معايا
ما بقتش تفرق معايا
لكن قبل اما اسيبك
لازم احكي الحكاية

حكاية الطريق
والمركب والغريق
ونهاية كل شيء
وجراح قصة هوايا

عشقتك وابتديت
انسى سنين الجراح
فرحت وجيت لاقبت
شمسي ونور الصباح
مشينا في الدروب

دوينا الحب دوب
تايهين في بحور خطايا
وماقدرناش نتوب

قصة حبك وحببي
مكتوبة جوا قلبي
فين راح الحب منا
فين كان المستخبي
فين أيام الهنا
ضاعت ليه من ايدينا
ليالي فرحنا

انت اللي كسرت عودي
انت اللي نهيتني عمري
دمعي دوب خدودي
وخلص سلمت أمري
هرجع تاني لزماناي
وارجع للفرحة تاني

وماتفكّ رشّ إنّي
بفراقك ضاع مكاني
لو هتحدى الحياة
أو هاغرق في الدموع
حتى لو قلبني تاه
مش هحلم بالرجوع

هارجع لسنين شبابي
وانسى أيام عذابي
خلاص هامسح دموعي
خلاص هاقفل كتابي
وانسى قصة هوايا
ومعايا مش معايا
مابقتش تفرق معايا

لما رحلت

لما رحلت كنت حاسرة
إن قلبك راح يموت
كنت عايشة الوهم لكن
كان مموتني السكوت
كنت فكرها غيامة
بكرة ييجي يوم تفوت

كنت شايقة حلم ضائع
من قسوة فيك ملهاش حدود
كنت اداري جروحي عنك
وقلبي مستنيك تعود
كنت بضحك غصب عني
وانت بتعلي في سدود

كنت حاسة..

إن قلبك راح يخون

كنت شايقة..

حد غيـري في العيون

كنت مطعونة ف عواظفي

عاشقة وبحب وبصون

كنت اغمّض عيني عنك

كنت اقول دايمًا ظنون

بس يلامع السـلامه

اللي خان لازم يهون

يا قلبي ارحم كرامتك

يا قلبي ارحم كرامتك
وارتاح بقى م الجراح
لا باقيك إلا صمتك
ولا جي زي اللي راح
ما سنين وياك بعافر
وأسير وياك مسافر
ولا عمر الليل له آخر
ولا بييجيك صباح

*

خليك بقى سييني عايشة
دي حبال الحب بايشة
وعشوش العشق هايشة
وملهاش قلب الرياح

*

إيه لسه يا قلبي باقي
بعد ما هان الأمان
ف الروح جرحي وفراقي
مش بالناس والمكان
عمري ما بأيتلي ريقي
وكتير بعت ف طريقي
وخادتني معاك دموعي
لسنين صبر وهوان
ويا قلبي ارحم كرامتك

يا صاحبي

عيش لحظتك وإعمل لبيكره حساب

الدنيا لو قرّبت كدابة

وغريبة

وصون مقام اللي حبك مهما عنك غاب

دي قلة الأصل هي العيبة

في الغيبة

مش كل من قربوا أصحاب ولا أحباب

الغدر منا فينا وطعنته

قريبة

وضحكة السن خافية السم جوا الناب

وياما شوفنا العبر والدنيا

دي عجيبة

يا عيدنا

يا عيدنا غني وردد بالنغم — يا عود
يعود لروحي النفس لو يوم حبيبي يعود
يا ريت يا عمري اللي ضايع من قبله ليا تعود
بقالي أهل وسكن وبكل خلاني
حلالي مر الزمن وطاب بخلي آني
في بعده كوني خلي وقربه خلاني
وعرفت السعد وعد وإن انا الموعود

مولد النبي ﷺ

صورة الجمل والعروسة ع الدولاب عاليين
علب كفوف الحلاوة بالعدد ملانين
ابويا جايب وعمي.. ونسه جاي خالي
أجمل ليالي الحنان والحب.. أطفى سنين

النور بيملأ السما من بركة المختار
مولد عمار ذكر فرحة... خلق ياما كتار
إيه ولا إيه يا هنا للفجر في الجنة
يصبح علينا الصباح فرحانة بينا الدار

وداع يا طيب

رثاء للشاعر الجليل الأستاذ / محمد محمود البهنساوي
رئيس رابطة الزجالين وكتاب الأغاني

عجز اللسان واتحکم دمع العيون إحكام
ومنين نجيب الكلام والحزن له أحكام
الدنيا توبها الغدر ولا ليها يوم صاحب
هي كده الأيام أمثال.. عبر وأحكام

راح الكبير اللي كان لكل أخ وأب
دعانا رحمة وسماح اتقبله يا رب
عصي القلم واختفى لما ابتديت ارثيك
غرق في دمه الورق وكأنه حبر اتكب

وداع يا طيب وزيك في الزمان ده قليل
الحرف يبكي عليك والوزن والمواويل

حتى اللي يوم كان عدوك قلبه فيك موجوع
لأن حتى ف خـلافك كنت شهم أصيل

يا بستان الزهور..
اصبر وما تعيطش
راعيك لسه عبيره ماليك
ولسه ماماتش
إذا غاب الجسد
حاضر هنا بروحه
ويشهد له اللي فات على عهد لسه ما فاتش

الفهرس

- ٢ بطاقة الكتاب
- ٣ إهداء
- ٥ باسم الخالق
- ٦ بروح الجنة
- ٨ بعادكم
- ٩ من أول المشوار
- ١٠ قلت يابا
- ١٣ الكون سكون
- ١٥ دنيا
- ١٦ سما متلونة
- ١٨ أحلى حياة
- ٢٠ سر ألك
- ٢٢ مناظر
- ٢٤ قلبي بيت
- ٢٥ حلم زائف
- ٢٧ أنا المصرية

- ٣٠ بحب احكيها
- ٣٢ صرخة أم شهيد
- ٣٣ كفاية دمع
- ٣٥ قلبي سفينة
- ٣٦ يا طير
- ٣٧ ألف سلامة
- ٤٠ أحمد ورحاب
- ٤٢ بيني وبينك
- ٤٤ بوحي لعيونك
- ٤٥ حبك ليا
- ٤٦ ضحايا الحب
- ٤٨ دم الولاد
- ٤٩ سيننا
- ٥١ أكتب إيه؟
- ٥٥ كتاب حياتي
- ٥٧ رسالة أخيرة
- ٥٩ جتلك يارب البيت
- ٦١ لازم نصبر
- ٦٣ لسه فيه ف الدنيا خير

- ٦٥ لما ينسانا الأمان
- ٦٧ ليك حبيبي
- ٦٨ ليه باعوني
- ٧٠ نظرة عنيك
- ٧١ هوي وهوان
- ٧٣ وحشاني ياما
- ٧٦ ف عنيك كلام
- ٧٧ ورجعنا ثاني
- ٧٩ ولا يلزم
- ٨١ مابقتش تفرق معايا
- ٨٤ لما رحنت
- ٨٦ يا قلبي ارحم كرامتك
- ٨٨ يا صاحبي
- ٨٩ يا عيدنا
- ٩٠ مولد النبي ﷺ
- ٩١ وداع يا طيب
- ٩٣ الفهرس

